



**PannaigutiKannik AvatiKutiujop
Kaujisattaunitsanganik
Labradoriup Imappiani IkKanganik**

**Asiangutitausot Naillitisimajuit Kaujisattauni
AllaKutiujuit**

**Canada-mi- Niufulâmi Labradorimilu
Labradoriup Imappiani Utsualulittânik Pivlugu
katimajiujuuit**

May 2017


Augos 2008-timi Canadami-Niufulâmi Labradorimilu Labradoriup Imappiani Utsualulittânik Pivlugu katimajuijuit (C-NLOPB) titigalaukKut atuagatsanik pitjuttilinnik PannaigutiKannimik AvatiKutiujop Kaujisattaunitsanganik (SEA) pivlugu ilanga Labradoriup Imappingata IkKanga: taijamik PannaigutiKannik AvatiKutiujop Kaujisattaunitsanganik Labradoriup Imappingata IkKanganik (Sikumiut Environmental Management Ltd 2008). Tamanna taijak 2008 SEA kamagijaulaukKuk ikajuttigettilugit atausiungituit kamajuijuit SuliaKaKatigettilutik itsivautauKatigettilugit C-NLOPB-kut amma kivgatuttiujuit Nunatsiavukkut kavamanganit. C-NLOPB-kut nutângutitsivut tamakkuninga titigattausimajunik isumaKautiKallutik Kanuk akunettigilimmangâmmik sivullimik titigattaulaummanit. Nunanguak 1 takutitsivuk takunnâgusikkut isumagijaujumik initsaugianga tamatsumaup SEA nutângutitaunningani (SEA nutângutitaunningata initsanga). kitânigiak initsaugajattuk sivulliuluni SEA initsagigajalauttanga angiligiattausimavuk siKinganigiak ilaliutilillugu Canadaup nammininga ikKaujuk Kaningiluami 200 nautical miles imappimi killilipvinga, silatâni 2008-timi SEA Kaujisattausimanningani, tâvatualli ilingaKataulittuk tamanna SEA nutângutitausimanninganut. Initsaujuit taijaujut SEA Nutângutitsinimmi Kaujisautigisimajangit silatâni 200 nautical miles-iup ilanguvut Canadaup 2013-nami takujautisimajangita katimajuijunut kamallutik imappiup ikKanginnik taijait Commission for the Limits of the Continental Shelf (CLCS). Tamanna Imappiup IkKangata Angiligiattausimanningata nunanguami titigattausimajuk Canadaup takujautisimajangani isumagigatsavuk pigianituinnauninginnik asiangugajanninginnilu pitâtuagutik pikKujaugusiujuunik CLCS-ikunit amma pikKujaliangujuunik tamaunatsainak nunanguami killilipviugajattunik titigasimajuKappat.

Tamanna SEA kamaKattavuk pimmagiunitsamik AvatiKutiujumik Kaujisausiujumik (EA) isumaKaKasiudjijumik avatiKutiujumi inigijausonik sukkutausagaittojunut, tamannalu EA isumaKalualuttinagu suligijaujutsanik takunnauluattunik isumâlotiKallutik initsaugajattunik pitalinnik nunanguami Kanuilingannisanga titigasimajunik taijausimatsialutik. Kaujisautiujuit SEA-mi ikajulâkKut katimajuijunik isumatsasiunninginni utsualunniagatsanik Kinijanimut pivitsaujuit atuinnautitaulâmmangâta iluittotillugit ubvalu ilainnangautillugit Labradoriup Imappingata IkKangani, ammalu nalunaitsigunnaulutik pitaKajutsaulâmmangâta pivitsaujuunik abviasongunitsaujuunik ubvalu mikillititsisongunitsaujuunik isumagigatsaujuunik utsualunniagatsanik Kinijallutik pigumajuKalippat.

Suliagijausongujuit utsualunnik Kinijasongugiamut laisinsiKagutik ukuangugajattuit:
KaujisautiKannik nunak imaup ikKanettok sajuppilâsongummangât, KaujisautiKannik nunaup
aulasongunnigijanganik, KaujisautiKannik nunaup ujanganginnik, putoginnik
utsualunniagatsasiunnimi (Kinijannimimi ubvalu titigannimi nunanguami nanemmangât); amma
utsualunniagatsasiukKâluni putogunnimik Kimainnaisimannimi. Atausik ubvalu ununnisait
Kinijalluni putoginniujuuit piujumik pillutik napvâsimappata utsualummik,
aullaigatsausongunialittilugit, utsualunniagiasigajattuit. Utsualunnialinnimi sulianggugajattuit
ukuangujuuit: putoginnik utsualunniavitsanik (sollu. titigannik nunanguami nanemmangât,
pivalliatitsigiasinnik/ utsualunnialaginnik, putoginnik utsualunik Kalotitsanik, utsualunnialinnimi
ottugautiKannimi suliaKautiKannik sollu utsualummik ikualatitsinik); âkKisuinnik amma
atuttautitsinik imaup ikKani piKutigalannik; âkKisuinnik atuttautitsilinnilu utsualunnialinnimi
atugatsaujunik silâkKijannisauilluni; utsualunnianimmik Kimailiguni suliaigatsaugajattuit.

Tamatsumaup 2008 SEA nutângutitaunngata takunnâgusinga isumagijaugialinnik taisiutiKavuk
SEA nutângutitaunngani, takunnâgusiujuni isumagijaugialinnik amma maligatsaugajattunik
pannaigutiKannimi Kaujitsiutinik tamanna SEA nutângutitaunngani. Kaujigatsaujuuit tamatsuma
SEA nutângutitaunngata Kaujitsiutingata iluanettuit tungaviKalâkKut nutânik amma
malitsiatunik Kaujigatsaujunik atuinnaulittunit allataulaummanit tamanna 2008 SEA. Tamanna
SEA: pitaKatitsilâkKuk takujautitsisiajunik avatuKutiujop Kanuilingannigijanganik pivlugit nunanga,
omajuttangillu; uKâutiKalluni tukisinannisattigit avatiKutiujop attutaugajanninganik
suliagijautillugu utsualunnianik, kiasaleninnianillu imappimi tamâni SEA Nutângutitausimanningata
Inigijanganik; katitsuilutik, tukisijautitsilutik, atuttautitsilutillu PiusituKaullutik Ilisimausiujuunik (TK)
(mânnaujuk, siagutsualu Labradori atuttauKattasimannigijanga NunaKakKâsimajunut tamanna SEA
Nutângutitausimanningata Inigijanga); nutângutillugit Kanuilingannigijangit ilisimausiujuuit,
katitsutausimajuillu ammalu ulinnaisillutik nutânik ilisimasiujuunik, katitsugatsaujunillu;
Tukisittautitsialugit sunait isumâlotaugajattuit pannaigutiKagasualinnimi.

Nunanguak 1: SEA Nutângutitsinimmi Inigijait



Tamanna SEA Nutângutitaunninga kamalualâkKuk atuttautitsinimmik ilisimajullagiujuut
 Kaujitsiutinginnik pivlugit mânnaujuk, nâlautsâgutiujuilu avatiKutiujumi sukkutausagaittojuut
 ammalu katitsutausimajuit PiusituKaullutik Ilisimausiujuut (TK), tungaviKalâttulu taijamik Valued
 Ecosystem Component (VEC) (sollu: Ivlinattuit AvatiKutiujumi Sukkutausagaittuit Ilingannigijangit)
 kamagijaugusinginnik ulinnaisijunik ilinganigijanginnik avatiKutiujuit ivlirijaujuut
 (sollu.inoKatigegasuannikut, kenaujaliunnikut, ilikkusiujutigut ammal/ubvalu ilisimallagiujuut
 Kaujimausingitigut) ammalu/ubvalu isumagijaugajattuit avatiKutiujop attutaugajanninga
 isumagijaulippat. Taimaita taijaujut VEC-ngani (ilauKasiutillugit ilinganniujuut ubvalu
 katingaKataujuit) tukitâttaulâkKut ammalu pitaKatitsilutik tukisititsisiatumik

tigollataunnisanginnik. Tamakkua VEC-ngit kajusiudjaulâkKut KaujimauiKatigenningigut kamaKataugumajuit, Inuit maligatsaliutiulutik timiKutiujuit, amma allatausimajuit ilisimallagijuit atuaganggitigut. Anginippauluttinagogaluak, tamanna VEC ilauKasiudjilâkKuk: oganik, ogait inituKanginnik, (tasiutillugit imaup ikKanettuit); kenaujaliulluni ogannianik; piusituKamminik atullutik NunaKakKâsimajuit ogannianingit, omajuit imammiutait amma imammiutaummijuit sea turtle-iunigâttait; timmiat imammiutait (tasiutillugit imappimiutait timmiat, imatuinnamiutait timmiat, sadjugiammiutait timmiat); nungutautuinnagiangit ilimanattumettuit; amma attutausagaittut/ikKanannisaujuillu iniuKattajuit. Taimainnut ulinnaitausimajunut VEC-nut, taijaugusingit tungaviKalâkKut nutânik, malitsiatunillu Kaujigatsaujunik atuinnaulittunit allataulaummanit tamanna 2008 SEA.

Ilonnâgut tamanna SEA nutangutitaunninga pivalliatitaunnganik, tâpkua C-NLOPB-kut, sanajingilu, ikajuttaulutik SuliaKaKatigettiujunut, KaujimatitsilâkKut Nunatsiavukkunik, prâvinsimi, federal-liulu kavamâginni suliaKapviujunik, NunaKakKâsimajuit katitjuKatigenningit, Labradorimi immikottatuni nunaliujuit, ogannianimmi suliaKattijuit, amma kavamaujunut atanniKalugatik katitjuKatigenningiujuit. PigiaKalâmijuit Kaujimatitsigumallutik katimaKatigettisiKattanimmik Nunaliujunik amma kamaKataulâttunik nallengujutsaumangâta nalunaikKâlugit. PiusituKaullutik Ilisimausiujuuit katitsutaulâmmijuit tamânimmiunit pingasuinit nunaKakKâsimajuit katitjuKatigenninginnit; Inunnit, Allanit, amma NunatuKavukkunit. Katitsuinik, titigannilu PiusituKaullutik Ilisimausiujuunik siagunitanik, mânnamitanik, ammalu sivunitsatini atugatsaugajattunik tamatsumani SEA Nutângutitausimanningita Inigijanginni ikKanattumagiulluni ilangaulâkKuk SEA Nutângutitausimanningani suliaKatiujaulâkKulu tapvinaugasuak tamanna SEA Nutângutitaunngata suliaKatiujauunngani, tasiuttaulutik SEA Nutângutitaunngani SuliaKaKatigettunut. Kaujitsiutet omajunik ikKanaluaunngit, inigijaudlutik atuttauKattatunik, avatiKutiujop asianguvallianinga (sollu: sukcutausagaittojuuit, kenaujaliugutiujuit, uvlusiugutausonggujuuit, piusituKaujuuit) tamâni SEA Nutângutitausimanningani taijauKataulâkKut VEC taijauKataunngijanginni.